

PEKELILING PENTADBIRAN BIL. 14/2006

**PENUBUHAN TABUNG AMAL JARIAH
KOLEJ UNIVERSITI TEKNIKAL KEBANGSAAN MALAYSIA**

TUJUAN

1. Pekeliling Pentadbiran ini bertujuan untuk memaklumkan tentang penubuhan Tabung Amal Jariah KUTKM, pengurusan dan kaedah kutipan untuk tabung tersebut.

LATAR BELAKANG

2. Pihak Universiti sering kali menerima permohonan daripada individu, institusi atau organisasi luar yang ingin mendapatkan sumbangan daripada KUTKM untuk tujuan-tujuan kebajikan dan kemasyarakatan dan sebagainya.
3. Pada ketika ini, sumbangan kepada pihak-pihak luar ini diberikan melalui kutipan sumbangan yang dibuat apabila ada keperluan (*ad-hoc*). Kaedah ini didapati tidak sistematik dan kutipan yang tidak konsisten kadangkala menimbulkan masalah pengurusan yang remeh.
4. Berdasarkan kesedaran dan pemerhatian ini, pihak Universiti telah bersetuju untuk menubuhkan Tabung Amal Jariah KUTKM untuk menangani perkara ini. Penubuhan Tabung ini telah diluluskan oleh Majlis Eksekutif dalam mesyuaratnya Bil. 4/2006 yang bersidang pada 9 Mei 2006.

OBJEKTIF PENUBUHAN TABUNG AMAL JARIAH KUTKM

5. Objektif penubuhan Tabung ini ialah:-
 - i) menjadi salah satu usaha kebajikan dan kemasyarakatan Universiti terhadap kumpulan yang memerlukan sumbangan
 - ii) sebagai satu kaedah pemberian sumbangan secara tersusun dan berpusat daripada KUTKM kepada pihak luar
 - iii) secara tidak langsung menggambarkan keprihatinan KUTKM sebagai sebuah institusi ilmu dalam membangunkan elemen-elemen insani

PENGURUSAN TABUNG AMAL JARIAH KUTKM

6. Penaung bagi Tabung ini ialah YBhg. Datuk Prof. Ismail bin Hassan, Rektor KUTKM.

7. Dengan penubuhan Tabung Amal Jariah KUTKM, sebarang kutipan sumbangan secara *ad-hoc* dapat dielakkan manakala segala permohonan sumbangan daripada pihak luar akan diuruskan oleh Urus Setia Tabung ini dan dirujuk kepada Lembaga Pemegang Amanah Tabung Amal Jariah.

8. Antara fungsi utama pemegang amanah ini ialah :-

- mencadangkan kadar sumbangan yang sesuai untuk dianugerahkan
- memikirkan cara terbaik untuk mendapatkan sumber bagi tabung ini
- memastikan tabung ini diselia dengan baik dan telus

9. Ahli Lembaga Pemegang Amanah Tabung Amal Jariah KUTKM adalah seperti berikut:-

- | | | | |
|------|--|---|-------------|
| i) | En. Zainal bin Bidin
Ketua Timbalan Pendaftar, Pejabat Pendaftar | - | Pengerusi |
| ii) | En. Bakri bin Abu Bakar
Akauntan Kanan, Pejabat Bendahari | - | Ahli |
| iii) | En. Deenoo Aizad Abadi bin Md Noh
Penolong Pendaftar, Pusat Perhubungan Korporat & Antarabangsa | - | Ahli |
| iv) | En. Azly Hisham bin Haron
Penolong Pendaftar, Jabatan Pembangunan Sahsiah | - | Sekretariat |

Bagi mencerminkan ketelusan pengurusan Tabung ini, laporan kewangan akan dikeluarkan sekurang-kurangnya 2 kali setahun.

KAEDAH KUTIPAN DAN KADAR SUMBANGAN

10. Pengisian Tabung ini dilaksanakan melalui kutipan umum di kalangan staf KUTKM. Setiap staf digalakkan untuk menyumbang secara sukarela kepada Tabung ini.

11. Satu skim sumbangan secara potongan gaji akan diperkenalkan bagi meningkatkan kutipan bagi Tabung ini. Kadar minimum untuk sumbangan secara potongan gaji adalah seperti berikut :-

- a. Kumpulan Pengurusan & Profesional : RM2.00
- b. Kumpulan Sokongan : RM1.00

12. Borang bagi potongan gaji boleh didapati daripada Pejabat Bendahari.

PERTANYAAN

13. Sebarang pertanyaan lanjut berkaitan Tabung Amal Jariah KUTKM ini boleh dirujuk kepada :-

Jabatan Pembangunan Sahsiah
Bahagian Pembangunan Organisasi & Sumber Manusia
Pejabat Pendaftar

Telefon : 06-233 2232

PENUTUP

14. Diharapkan dengan penubuhan Tabung Amal Jariah KUTKM ini, seluruh warga staf Universiti akan terpenggil untuk memberi sumbangan seikhlas mungkin demi pembangunan dan kesejahteraan masyarakat, bangsa, agama dan negara.

Sekian, terima kasih.

Saya yang menurut perintah

HASAN BIN SIRUN

Pendaftar

s.k Y.Bhg. Datuk Rektor
Y.Bhg. Timbalan Rektor (Akademik & Pengantarabangsaan)
Y.Bhg. Datuk Timbalan Rektor (Penyelidikan dan Pengkomersilan/Inovasi)
Pegawai-pegawai Kanan